

2. Խ. ԹՈՓՈՒՂՅԱՆ, ԵԳԻՍՏՈՍԻ ԲԱՅԿԱԿԱՆ ԳԱՂՈՒԹԻ ՎԿԱՐՈՒՄԸ
(1805—1952), ՀՍՍՀ ԳԱ Հրատարակչություն, Երևան, 1978, 359 էջ:

Դարեր շարունակ եգիպտոսի հայ գաղութը հանդիսացել է հայ գաղթաշխարհի ամենախոշոր ու ամենանշանակալից գաղութներից մեկը: Սակայն մինչև օրս հրապարակի վրա չկար այդ գաղութի պատմությանը նվիրված մի հատուկ հետազոտություն, որն ամբողջական պատկերացում տար գաղութի մասին: 2. Թոփոլյանի սույն աշխատությունը լրացնելով այդ բացը, հասարակական է բերում եգիպտոսի գաղութի վերաբերյալ նախորդ հետազոտությունների արդյունքները: Օգտագործելով հայ պարբերական մամուլի բազմաթիվ օրգաններ, արխիվային փաստաթղթեր, նոր հայտնաբերված վավերագրեր, հայերեն և օտար լեզուներով հարուստ գրականություն, հեղինակը ոչ միայն հանգամանորեն շարադրում է իր ուսումնասիրած գաղութի պատմությունը, այլև վերանայում ու ճշտում է բազմաթիվ փաստեր, Միաժամանակ նա աշխատում է հատուկ կանգ առնել այն հարցերի վրա, որոնց քննությունը ամբողջապես կամ մասամբ դուրս էր մնացել նախորդ ուսումնասիրողների տեսադաշտից:

Գրքի շահեկան կողմերից մեկն այն է, որ հեղինակը եգիպտոսի հայ գաղութի պատմությունը շարադրում է այդ երկրի տնտեսական, քաղաքական և մշակութային պատմության լայն ֆոնի վրա, որը նրան հնարավորություն է տալիս խորամուխ լինելու այս կամ այն երևույթի ներքին դրգապահմանների ու շարժիչ ուժերի մեջ: Մյուս կարևոր հանգամանքը, որ աչքի է ընկնում այս ուսումնասիրության մեջ, դա հարցերի ընդգրկման լայնությունն է ու խորությունը: Ժամանակագրական առումով աշխատությունն ընդգրկում է եգիպտոսի գաղութի բազմադարյան պատմության խիստ ուշագրավ մի հատվածը՝ XIX դ. սկզբներից, այսինքն՝ եգիպտոսի նոր պատմության սկզբնավորումից մինչև 1952 թ. եգիպտական հեղափոխությունը՝ շուրջ 150 տարիների պատմություն: Հեղինակն առաջնորդվելով պատմության պարբերացման մարքսիստական մեթոդոլոգիայով, հիշյալ ժամանակահատվածը բաժանել է երեք էտապի՝ 1805—1832, 1832—1917 և 1917—1952 թթ., որոնք սոցիալ-տնտեսական կյանքի հեղաբեկման, նոր իրավաքաղաքական հարաբերությունների սաղմնավորման ու զարգացման տեսակետից միանգամայն ուրույն փուլեր են ինչպես եգիպտոսի, այնպես էլ եգիպտոսի գաղութի պատմության մեջ:

Սակայն ընթերցողի կողմից այդ գաղութի ամբողջական պատմության մասին համապարփակ գաղափար կազմելու համար հեղինակը համառոտակի անդրադառնում է նաև նրա պատմությանը սկսած II—III դդ., երբ հայերի առանձին հատվածներ հանգրվանում էին եգիպտոսում, հիմք դնելով գաղութի բազմադարյան պատմությանը:

Գրքի առաջին բաժնում քաջլ առ քաջլ ցույց են տրվում այն պատճառները, որոնց հետևանքով եգիպտոսի գաղութը ոչ միայն ստվարացավ թվական առումով, այլև զգալիորեն բարձրացավ նրա տնտեսական, հասարակական-քաղաքական և մշակութային կյանքի մակարդակը: Այդ պատճառներից ամենակարևորը իրավացիորեն համարվում է հայ զանգվածների այն հոսքը դեպի եգիպտոս, որը հետևանք էր Արևմտյան Հայաստանում և առհասարակ բովանդակ Օսմանյան կայսրության մեջ հայ ժողովրդի ծանր վիճակի: Մյուս կողմից, XIX դ. առաջին կեսին եգիպտոսի գաղութի զարգացման հիմնական կռիվներն էլ զինված հայ առևտրավարկային կապիտալը, որի հետքերով էին մեծ մասամբ եգիպտոս արտագաղթում հայ զանգվածները: Հեղինակին հաջողվել է նրբին կերպով վերլուծել եգիպտոսի գաղութի ներքին կյանքի մեջ տեղի ունեցած այն տեղաշարժերը, որոնք նկատվում էին գաղութի վերելքի հետևանքով: Մասնավորապես ցույց է տրվում, որ հայ առևտրականների և վարկատուների դասը, այլև շրավարարվելով լոկ ֆինանսական-տնտեսական գործունեությամբ, մղվում էր դեպի պետական-քաղաքական գործունեության ասպարեզ, բարձր պաշտոններ զբաղեցնելով եգիպտոսի տիրակալ Մոհամմեդ Ալիի կառավարության մեջ և ակտիվորեն ներգործելով երկրի թե՛ ներքին և թե՛ արտաքին քաղաքականության վրա:

Հատուկ կանգ առնելով եգիպտոսի ինքնուրույնության համար մղված պայքարին եգիպտոսի մասնակցության հարցի վրա, հեղինակը հանգամանորեն ցույց է տալիս, որ XIX դ. սկզբներից հայերն ակտիվ մասնակցություն են ունեցել ինչպես օսմանյան տիրապե-

տություն դեմ եզրկտական ժողովրդի ազատագրական պայքարին, այնպես էլ Եզրկտոսին-
 Լվրոպական տերությունների կողմից պարտադրվող կապիտուլյացիաների ցանցից չնույն պա-
 ճնույն գոտեմարտին: Միաժամանակ իրավացիորեն նշվում է, որ օտարերկրյա կապիտալի դեմ
 անհավասար պայքարը ավարտվում է եզրկտաճայ առևտրավարկային կապիտալի պարտու-
 թյամբ, որի հետևանքով նրա ներկայացուցիչները դառնում են եվրոպական ձեռնարկություն-
 ների և եզրկտական շուկայի միջև միջնորդ-կոմպրադորներ: Եզրկտաճայ բուրժուազիայի
 տնտեսական դիրքի մեջ տեղի ունեցած այս փոփոխությունն անմիջապես իր անդրադարձերն է
 ունենում նաև նրա քաղաքական վիճակի մեջ: XIX դ. երկրորդ կեսից սկսած հայ առևտրական
 բուրժուազիայի քաղաքական կողմնորոշման մեջ առաջանում են որոշակի տեղաշարժեր այն-
 առումով, որ նա այսուհետև հանդես է գալիս եվրոպացիների հետ տնտեսական ու քաղաքա-
 կան սերտ համագործակցության օգտին: Այս կապակցությամբ հեղինակը հերքում է եվրոպա-
 կան պատմագիտության մեջ տարածված և նույնիսկ սովետական պատմագիտության մոտեց-
 զործած այն անհիմն տեսակետը, թե իբրև հայազգի դիվանագետ, Եզրկտոսի պրեմիեր-մի-
 նիստը Նուբար փաշա Նուբարյանը Անգլիայի գործակալն էր: Հեղինակը միանգամայն իրա-
 վացի է, երբ նշում է, որ եվրոպական կապիտալի հետ համագործակցելու նրա վարած քա-
 ղաքականությունը բխում էր օսմանյան կապիտուլյացիաներից ազատագրվել ձգտող եզրկ-
 տական բուրժուազիայի շահերից, միաժամանակ նկատելով, որ Եզրկտոսում բրիտանական
 տիրապետության հաստատումից հետո այդ քաղաքականությունը այլևս չէր կարող ծառայել
 Եզրկտոսի ինքնուրույնության պայքարին:

Կանգ առնելով Եզրկտաճայ աշխատավորների վիճակի վրա, Հ. Թոփուզյանը ցույց է
 տալիս, որ եզրկտաճայ գաղութի սոցիալ-դասակարգային կազմը երբեք միատարր չի եղել,
 ինչպես պնդում են հայ ազգային-պահպանողական աշխարհայացքի տեր որոշ պատմաբան-
 ներ: Գաղութում եղել են և՛ շահագործողներ, և՛ շահագործվողներ. ընդ որում առասպաղաղա-
 յին շահերի բարձր գիտակցությամբ տոգորված աշխատավորական առաջավոր խավերի բա-
 ցակալության պայմաններում դասակարգային պայքարն էլ դրսևորվում էր թույլ կամ զար-
 տուղի ձևերով (էջ 69):

Գրքի երկրորդ բաժնում անդրադառնալով գաղութի պատմությանը 1882—1917 թթ., հե-
 ղինակը ցույց է տալիս, որ նշված շրջանում եզրկտաճայ գաղութը ստվարանում է նախ մաս-
 նակի, ապա զանգվածային գաղթականներ ընդունելով Արևմտյան Հայաստանից և Օսմանյան
 կայսրության տարբեր շրջաններից: Այս բաժնում, ի թիվս եզրկտաճայ գաղութի տնտեսական
 ու քաղաքական վիճակի, հասարակական հարաբերությունների, մշակութային կյանքի և այլն,
 հատուկ քննվում է հայկական հարցում եզրկտաճայի խաղացած դերը: Հանգամանորեն
 նկարագրելով այն շարժումը, որ ծավալվել էր Եզրկտոսում Բեռլինի վեհաժողովի 61-րդ հոդ-
 վածի կենսագործման օգտին, հեղինակը ցույց է տալիս, որ այս հարցում ևս հայ սոցիալա-
 կան տարբեր խմբերն ու դասակարգներն ունեցել են միանգամայն տարբեր դիրքորոշում: Եթե
 կղերափաշայական վերնախավը հետևում էր Կ. Պոլսի հայոց պատրիարքարանի գծին, որը
 թուրքական կառավարությունից էր սպասում արևմտահայության վիճակի բարելավումը, իսկ
 լիբերալ-բուրժուական շրջանները, արտահայտելով եվրոպական կապիտալի հետ կապված գա-
 ղութաճայ առևտրական բուրժուազիայի շահերը, հայ ժողովրդի թշվառությանը մեղմացումը
 սպասում էին եվրոպայից, հատկապես Անգլիայից, ապա ժողովրդի հայրենասիրական տրա-
 մադրություններն ունեցող խավերը, ոգեշնչվելով Մ. Նալբանդյանի, Հ. Սըրվաճյանի և ազգա-
 յին-դեմոկրատական հոսանքի մյուս ներկայացուցիչների գաղափարներով, պայքարում էին
 սուլթանական բռնակալության դեմ և Ռուսաստանից էին ակնկալում հայ ժողովրդի ազա-
 տությունը:

Բացահայտելով հայ քաղաքական կուսակցությունների գործունեությունը Եզրկտոսում՝
 կապված հայկական հարցի հետ, գրախոսվող մենագրության հեղինակը համոզիչ փաստերով
 ցույց է տալիս, որ այդ կուսակցությունները պատրանքներ սնուցելով թուրքական բուր-
 ժուազիայի կողմից պրոպագանդվող ազատության և արդարության սկզբունքների նկատմամբ,
 հարց էլին դեռում Հայաստանի անկախության վերաբերյալ, բավարարվելով լոկ ներքին ինքնա-
 վարության պահանջով:

Մենագրության մեջ հատուկ քննվում է նաև եզրկտական ժողովրդի ազգային-ազատագրա-
 կան պայքարը և հայերը պրոբլեմը: Այստեղ զարգացվող կարևորագույն թեզն այն է, որ հայ
 ժողովրդի ազատագրական պայքարը կարևոր գեր է խաղացել արաբների ազգային զարթոնքի
 մեջ, որ Եզրկտոսը գաղութացրած բրիտանական իմպերիալիզմի և տեղական բուրժուազիայի
 դեմ հայ և արաբ աշխատավորները մղել են համատեղ պայքար:

Գրքի Լրրորդ բաժինը, որը վերնագրված է «Եզրիպտահայ գաղութը 1917—1952 թթ.», նվիրված է գաղութի նորագույն շրջանի պատմությանը: Այս շրջանը բնորոշվում է եզրիպտական ժողովրդի ազգային անկախության պայքարի վերելքով: Հեղինակը բազմաթիվ փաստեր է բերում այն մասին, որ ի վիճակի չլինելով դիմագրավելու եզրիպտական ժողովրդի ազգային-ազատագրական շարժման վերելքին, անգլիացիներն աշխատում էին կիրառել իրենց վաղձի «րաժանիր, որ տիրես» քաղաքականությունը, աշխատելով սեպ խել հայ և եզրիպտական ժողովուրդների միջև: Մյուս կողմից, առաջնորդվելով իր նեղ դասակարգային շահերով, եզրիպտական բուրժուազիան սկսում է պայքար մղել այսպես կոչված «ոչ-ազգային» կապիտալի ներկայացուցիչների դեմ, դրանով իսկ նպաստելով համաեզրիպտական մասշտաբով հակաիմպերիալիստական պայքարի թուլացմանը: Սակայն ի հակադրություն բուրժուազիայի, եզրիպտական առաջավոր մտավորականությունը կոչ էր անում ամրապնդել զարբեր ի վեր երկու բանկամ աղբյուրի միջև գոյություն ունեցող եղբայրական ջերմ զգացումները:

Այս բաժնում հեղինակը մանրակրկիտ քննում է եզրիպտահայ գաղութում հայ հասարակական-քաղաքական տարբեր ճակատների և կուսակցությունների քաղաքականությունը, նրանց գործելակերպը, նպատակները և այլն: Լ. Թոփուզյանն այդ կապակցությամբ միանգամայն իրավացիորեն նշում է, որ տարբեր ճակատների սահմանազատման հիմքերի հիմքը նրանց դիրքորոշումն էր Սովետական Հայաստանի հանդեպ: Հարցի մեկնաբանման այս ելակետը հեղինակին հնարավորություն է ավել բացահայտելու դաշնակցական կուսակցության քաղաքական նեղմտությունը և կարճատևությունը, որը մերժելով Սովետական Հայաստանի՝ որպես հայկական պետության գոյությունը, սկսեց փայփայել էքստերիտորիալ «անհայրենիք պետության» ցնորքը և փորձեց սփյուռքի հայությունը կտրել Սովետական Հայաստանից ու հակադրել նրան:

Գրքում հանգամանորեն շարադրվում է նաև եզրիպտահայ գաղութի դեմոկրատական կազմակերպությունների՝ «Հայաստանի օգնության կոմիտեի», «Եզրիպտահայ ազգային խորհրդի» և այլ կազմակերպությունների գործունեությունը, լուսարանվում է այն դերը, որ խաղացել են եզրիպտահայ գաղութի առաջադիմական շրջանները Հայրենական մեծ պատերազմի ժամանակ Սովետական Հայաստանին նյութական օգնություն ցույց տալու գործում: Խորամուկ լինելով այդ օգնության դրդապատճառների մեջ, Լ. Թոփուզյանը համոզիչ կերպով ցույց է տալիս, որ եզրիպտահայերը Սովետական Միության հաղթանակի մեջ տեսնում էին հայ պետականության գոյատևման և արևմտահայության հարցի լուծման երաշխիքը:

Աշխատության վերջում տրվում է եզրիպտահայ պարբերական մամուլի մի ծավալուն ցուցակ, որն ընդգրկում է 1865—1952 թթ.: Այն հիանալի ուղեցույց է ոչ միայն եզրիպտահայ գաղութի պատմությունն ուսումնասիրողների, այլև բուն եզրիպտոսի պատմությամբ զբաղվող գիտնականների համար:

Մեր կարծիքով, որպես այս աշխատության թերություն, կարելի է նշել այն, որ հեղինակը համեմատաբար թուցիկ ձևով է կանգ առնում XIX դ. 80-ական թվականներին եզրիպտական ժողովրդի հակաանգլիական ազգային-ազատագրական շարժման և նրանում հայերի մասնակցության հարցի վրա: Չափազանց հակիրճ են քննված նաև երկրորդ համաշխարհային պատերազմի շրջանում գաղութում տեղի ունեցած դեպքերն ու տեղաշարժերը:

Լ. Թոփուզյանի աշխատության մեջ սկզբից մինչև վերջ կարմիր թելի պես անցնում է այն ճշմարտացի ու կարևոր թեզը, որ եզրիպտահայ գաղութը իր բազմադարյան պատմության ընթացքում գոյատևել է այն սերտ կապերի շնորհիվ, որ պահպանել է մայր ժողովրդի հետ: Առանց այդ հոգևոր կապի սփյուռքի ցանկացած գաղութ անմիջապես կխամրի ու կանխանա: Միայն իրական շոշափելի հայրենիքը և նրանում ապրող ժողովուրդը կարող է նեցուկ հանդիսանալ համայն աշխարհով մեկ ցրված հայության պահպանմանը, նրան ներարկելով ազգային դիմագիծն ու ոգին պահպանելու և շարունակելու ավյուն:

ՎԱՀԱՆ ԲԱՅԲՈՒՐՅԱՆ

Պատմական գիտությունների դոկտոր